

张謇全集
张謇著 文川阁
入群阁 古藏书楼
在文川阁藏书楼
张謇全集

张謇全集

8

柳西草堂日记
音翁自订年谱



国家清史编纂委员会·文献丛刊

国家清史编纂委员会·文献丛刊

张謇全集

8

柳西草堂日记
啬翁自订年谱

主编

李明勋 尤世玮

执行编辑（以姓氏笔画排序）

张廷栖 陈 灵 赵 鹏 戴致君

《张謇全集》编纂委员会编

上海辞书出版社

目 录

柳西草堂日记

同治十二年(1873)	3
同治十三年(1874)	11
光绪元年(1875)	40
光绪二年(1876)	67
光绪三年(1877)	100
光绪四年(1878)	126
光绪五年(1879)	145
光绪六年(1880)	164
光绪八年(1882)	174
光绪九年(1883)	188
光绪十年(1884)	194
光绪十一年(1885)	218
光绪十二年(1886)	235
光绪十三年(1887)	249
光绪十四年(1888)	268
光绪十五年(1889)	286
光绪十六年(1890)	302
光绪十七年(1891)	321
光绪十八年(1892)	337

docsriver 文川网
入驻商家 古籍书城

在文川网搜索古籍书城 获取更多电子书

光绪十九年(1893)	360
光绪二十年(1894)	374
光绪二十一年(1895)	385
光绪二十二年(1896)	399
光绪二十三年(1897)	417
光绪二十四年(1898)	440
光绪二十五年(1899)	458
光绪二十六年(1900)	475
光绪二十七年(1901)	496
光绪二十八年(1902)	513
光绪二十九年(1903)	531
光绪三十年(1904)	577
光绪三十一年(1905)	601
光绪三十二年(1906)	622
光绪三十三年(1907)	641
光绪三十四年(1908)	654
宣统元年(1909)	674
宣统二年(1910)	696
宣统三年(1911)	713
民国元年(1912)	734
民国二年(1913)	749
民国三年(1914)	765
民国四年(1915)	783
民国五年(1916)	802
民国六年(1917)	821
民国七年(1918)	840

民国八年(1919)	857
民国九年(1920)	875
民国十年(1921)	894
民国十一年(1922)	914
民国十二年(1923)	931
民国十三年(1924)	948
民国十四年(1925)	962
民国十五年(1926)	977

耆翁自订年谱

耆翁自订年谱	987
本书征引文献要目	1050
后记	1053

柳西草堂日记

同治十二年(1873)

癸[酉]九月

四日 父亲去西亭。俞步青去。仲厚来。写致孙师信。梓卿来。饭毕诣琬卿谈。周菊山来索书。姜某来。晚饭后为伯厚酌定伊尊人行述。写致吴莲卿信。读《姚姬传先生集》。

初五日 早起，写西亭信，写联、扇。饭毕诣石渔师谈。偕枚生诣叔英馆。叔英来，晚饭后琐话。写少轩信。

初六日 早辰，叔英去。写菊师信，寄海师信，写折子，写徐耀南扇。石师、枚兄、叔英来。接彦升信、敬轩信。写彦升挽叔枚联。饭晚啖蟹。留叔英宿。

初七日 七舅去。复敬轩信，接菊师信。琬卿致扇索书。石师招往，啖面饼。琬卿来，未遇。写凤沼扇、晓芙信。同三哥谈家事。

初八日 雨。检旧时佚稿。读《姬传先生集》。写字。晚饭后同三哥小谭。早睡。

初九日 晴。早起，过节。还伯厚尊人行述。招少牧、叔英茶话。晓芙来，两月之别，彼此以事未鬯叙，林叶竞落，茶烟积阴，匆遽分襟，恨何如也。琬卿来。写字未竟，晚饭后读《姬传先生集》。少谷函来索书。

初十日 梓卿、瘦梅来。写字，录途中诗草。诣琬卿送行不值。读《姬传集》。诣少牧、叔英谭，晚饭后偕叔英返。

十一日 蚤。叔英去，写楹联，仲厚来，写少谷、馥畴信。伯厚来，有重九后二日怀韵棣诗。灯下为友酌时艺两篇。

十二日 蚤，为友酌时艺两篇。培哥自源昌索菊花一种。饭后写字，仲

厚来。晚诣梓卿，接父西亭信，写穆如信。读《姬传诗集》。

十三日 读《大宗师》、《人间世》、《应帝王》、《徐无鬼》诸篇。写西亭信。晓棣函招，是夕置酒，枚生、石渠、蜚卿同座。馥畴未至。宿晓棣处。

十四日 蚤，同枚生琐谭。招馥畴来，晚饭后与晓棣握谭良久。写樵之楹联。

十五日 蚤，馥畴去，别晓棣返，行数十武犹遥遥驻送也。道过刘宅，偕叔英归。酌书院月课卷题：“樊迟从游于舞雩”一节，童一句；诗《松菊犹存》。

十六日 晏起。接菘师太夫人讣。眷月课卷，写晓沧楹联，写馥畴、晓棣信。薛陶庵招饮北寺。闻十五日开榜之信，同少牧返，抵家月当午矣。

十七日 蚤，叔英来，子谦送菊来，子文来，丽先来。写字。接父西亭信，蚤睡。

十八日 读《姬传古今诗钞》，写字。梓卿来，饭后诣叔英、少牧谭，薄暮归。无事早息，与叔英夜话至漏三下。

十九日 叔英去。接敬轩信，寄仲星信，缴课卷，写字。瘦梅来。接晓棣信。纷传海籍中茅、秦二人，通籍中六名。是时万感苍茫，百端交集。及复询晓棣、少牧、馥畴，始知其讹。写菊师信，托子文带往。接王免携回父西亭信，知父十七去通。理籍事卷，回忆蚤丛险阨，亦不知若何度过。念头上公曲成此事，名心复因而淡矣。少牧来。

二十日 培哥去下沙。仲厚来。写字，瘦梅来，少英来，谭良久。子文携来菊师、王学师信。是日传各处新捷讯，风声鹤唳，纷纷不一，余自知康了矣。三场辛苦，徒结灯火之缘；千里往来，权了文章之债，穷达信有命，念群公知遇之恩，不能不耿耿于方寸耳。叔英来。成《榜后感怀》四律。三更，父自西亭归，得知通属只中三人，为泰兴翟伯恒，通冯俊升、沈汝奎。接穆如信。

二十一日 晏起。写梅孙、馥畴信。仲厚来。写字。录诗寄晓棣、枚生。午后觉微寒，卧。是夕头胀目眩，汗出如浆，夜半始就睡。

二十二日 晏起，腰痛头晕犹是也。招子谦未来，招梅玉如先生未来，延雅三先生未来。

二十三日 病，雅丈来诊。

二十四日 早,头目少觉清朗。午后馥畴来,强起。雅丈来诊。撰定挽叔枚联,浼雅丈书。文酒旧论心,频年嘘拂相关,入座每教芬齿颊;蘅芜嗟隔面,此日风流顿尽,登床空自叹人琴。是日复受风。馥去。夜则寒热大作,自此迁延床蓐,寝不成寐,中宵辄呼号,一室为之不安。至廿九日,服子谦药,大汗,病势稍轻。织云为乃郎授室,凡三招,及彦升信来,皆不报。至十月初旬,连进梅丈、子谦、雅丈药,渐就清晰。病中搢枕成送伯厚诗。十一日甫能下床,然足力犹孱弱也。写穆如信,闻又楼中副车。来问疾者众,皆忘不能记。

十月

十二日 写雅峰、馥畴信。菊师寿不克往祝。培哥去。

十三日 观《聊斋》、《楹联丛话》。烟锄、蕙卿来。

十四日 起。录集成联语。招叔英、雅丈来。子谦、仲厚来。

十五日 起。仍招叔英。自是渐思餐饭,而腕力悬悬,作书犹颤不能禁。同蕙卿、烟锄、叔英看迎神。

十六日 起,看《聊斋志异》。发寒热。彦升来,抵暮去。

十七日 复发寒热,延雅丈诊。

十八日 仍寒热,雅丈来诊,药后稍愈。写信、禀。

十九日 起,写梁筱师、王子师、孙海师信,稿成。馥畴来谈,薄暮去。叔英来。

二十日 起,写眷梁师贺禀。手犹战战,字迹如婴儿学步,勉强支持。写孙小播信。

二十一日 写致敬轩信、穆如信、义门叔信。眷王子师禀。腕力稍觉健旺。叔英、仲厚来小谈。灯后晓芙来索书。饭库顿进。写少谷信。录所集联语。

二十二日 眷孙师禀。叔英来,瞿姑丈来看新闱墨。

二十三日 缄各处书函,复写穆如信。晓芙函索闱墨。子谦来诊。菊师囑烟锄来招,知厅试为念七取齐。父返。

二十四日 遣张大去城。瞿姑丈去。录信稿、集联。烟锄来谈。写沛

之、莫阶信。还莫阶联扇。

二十五日 石兄去。临《坐位帖》。烟锄来谈。子谦、藻江来，晓芙来。闻荐卷信，然未确也。写寄彦升信。

二十六日 枚生、叔英来闲话。整赴海装。

二十七日 烟锄来。晓芙道过小话。大风，去海不果。叔英来。

二十八日 蚤，理装。诣海，凌风栗六不觉倦。诣晓芙寓。

二十九日 同叶笙、醴泉理结。晚馥畴来。晤少田。灯右同菊师谈。接培哥寄来穆如、梁公信，送来小联。

三十日 同叶笙、醴泉理结。陈安卿昆季来。写穆如信。晚诣馥畴、晓芙、叔英、烟锄寓。

十一月

初一日 五更起送考。枚生、少谷来。晚诣馥寓。

初二日 蚤，诣陈安卿寓、馥寓。于晓芙寓早膳。往西街，晤叔英，拜言墨林刊名片。诣烟锄不遇。知试题为“为政以德”至“道之以德”（未冠）；《不可胜食也斧斤》；次：“禹之行水也”二句；诗：《经书满腹中》。偕叔英之枚生寓。晚馥来，饭毕同往少丈处谈。浼纯夫诊。

初三日 蚤往馥寓，少谭，觉微寒，知为初一日早寒侵骨，病防小愈，一时任意，盛气哉。假馥畴榻卧，进纯夫药，汗。晚枚生、翼孙来。起，同翼孙返馆后进药，夜汗。

初四日 蚤，枚生来。起写家信，托梓卿带去不果。厅试草案出，冠军者为刘玮，晓芙、叔英皆非前茅，缘交卷迟也。是夕闻诸童哄聚厅署争让，颖川公为没字碑，倒置是非，菊师去部署，乃解散。

初五日 起，翼孙约去署前散步，遇纯夫。晓芙邀夜饮。访叔英不值。返觉微寒，拥被卧。馥畴来。延纯夫诊，未来。函辞晓芙之席。家中遣人送衣来。灯时起，晚饭毕旋睡。是日安卿来。

初六日 起，偕翼孙闲谈，知乍日初复，点名毕，诸生童群攻典史阮某，为伊禽睹率捉老诸生黄某，且出言侵及各生也，又大让。枚生、质斋、少谷、莫墀、徐野梅来。家又遣人来。遣黄价去沈施两处。往文昌宫索戴库书粮

申。晚馥畴来谈。读彦升信。雨。

初七日 起未许时，觉微寒，卧。枚生来索书。汗过起。晚饭后同叶笙手谈。

初八日 诣文昌宫。偕晓芙候叔英。遇天池，托传语家中。服药。托叔英购物。彦升来谈。少田来。顷之，莲云、若愚暨众来。宵深就枕。

初九日 蚤，往彦升寓。寄渭璜信、寔甫联。还彦升联、印泥。家中车来，至晓芙处，同枚生小谈。遇叔英。写敬轩信。理归装。施某邀饮，为菊师、彦升、少田留小住，不果，返。厅试初复发，冠军者沈燮均。偕馥畴、彦升步月，略谈未鬯。返馆，偕菊师谈至漏三下。

初十日 早，往彦升、馥畴、叔英、晓芙处。谒屠晋师。菊师要饮。部署归装。午后返，抵舍已暮。

十一日 雨。函招枚孙昆季，并告贷。子谦、梓卿来。读《三国志》。子谦宿，留写彦升代索匾语、挽梅玉如联。

十二日 雨。偕子谦谈。托湖北高某购苏韩李曾胡集、《说文》于江西。饭后子谦去。写赧虞联、醴泉字。读《三国志》。

十三日 雪，入冬以来，是日为最寒。读《三国志》。写字。写叶笙信。

十四日 雪霁，更寒。读《三国志·魏志》终。写字。

十五日 寒如故，砚池水点滴皆冻，写不能终一字笔即僵。读《三国志》。为菊师作俞太守笠屐图绝句。枚生来。

十六日 仍严寒。读《三国志》。不能作书。梓卿来闲谈，写菊师信。

十七日 读《三国》，寒不作书。饭后风止稍暖，写汪某联、茅某屏。培哥携菊师信去海。父亲去四甲。写穆如信。

十八日 暖。读《三国》。再作俞太守笠屐图诗。写寄菊师、晓芙信。遣张大去通。培哥去下沙。

十九日 起，写补经别馆信。读《三国》。陆晓沧招饮，未赴。写字。

二十日 接织云信。煎六味膏。沈襄云前辈来。叔英自厅试返，小谈去，悉厅案首为沈燮均。梓卿来。接穆如信，悉卷失去。

二十一日 写醴泉信，还屏扇诸件。读《三国志》。饭后晓芙、烟萝来。灯余晓棣去，托寄孙小搢信，还仪门叔褂款。

二十二日 写周子复、吴琬卿信。写吉亭喜联。灯下读《三国志》。

二十三日 诣少牧谈。晓芙来，傍晚去。还樵之小条。灯下写彦升、晓芙信。

二十四日 读《三国志》。晚诣梓卿。函乞朱小初腊梅天烛。接晓棣复书。写季亮字。

二十五日 叔英来谈。饭后馥畴、烟锄、梓卿来杂谈。晚饭后同叔英鬯谈。二更就寝。

二十六日 写卷子。饭后往叔英馆，偕叔英诣烟锄。夜理旧文。

二十七日 晏起，除花树虫蚀。读《三国志》。写季亮字。梓卿代吴某索书。

二十八日 往圩角问敬轩疾，略谈。偕石一泉、孙瑶圃观海，有五律一首。晚饭后招杨子青来谈甚鬯。宿施氏小楼。

二十九日 偕子青、瑶圃、一泉、树亭世丈谈。饭后往海，道由横沙镇，过倪也迁宅略坐。偕子青诣海。至学署。菊师留住，灯后谈诸事，湜辙宵深之乐，程杨片席之欢，无以加也。

除月

一日 蚤起，诣书院，见孙子师谈，领膏火。遇薪甫，挽同购物，未就。觅子青不值。道遇潘画工小枚。见屠晋师，索联。候谈醴泉返署，偕菊师略谈，饭后归。写叶笙信。看方子箴都转《题襟馆记》。

初二日 晏起，裁春帖子，写半未竟，烟锄、叔英、峨门来。饭后天池来谈。灯下读《三国志》。

初三日 作《秋风曲》寄小播。饭后写信。灯下读《三国志》。

初四日 往北镇，携小播信，托蒋鸿远寄去。偕叔英往晓芙处，便访石渠。晤枚生，谈史。为晓棣固留。访蜚卿。袁少英处晚饭，复同叔英、石渠、枚生谈。更余，枚生同返晓棣馆宿，叔英宿石渠馆。是日观褚河南《圣教序》。

初五日 蚤饭后同枚生往石渠馆闲话。与叔英返南，过刘氏略坐，午后至家。接彦升十一月二十七日信、《玉虹鉴帖》两本、次云画梅一帧。灯下读《三国》。写馥畴信。

初六日 临褚河南《枯树赋》。题次云画梅寄翔林。写春帖子竟。读《三国志》。夜觅少牧不值。再观李白《送贺八诗》墨拓及欧阳信本《梦奠帖》、《长吉诗》拓。是日晓棣招饮，未赴。

初七日 临帖一开，写楹联。王二泉招饮，同席为阮典史某、少牧、若海、利川，席罢过袁行与春泉谈。遇叔英。晚间为徐某致函馥畴。

初八日 写子谦楹联。春泉来。仲厚来。写菊师小条未竟。烟锄来。招叔英、梓卿、仲厚，谈至更余去。

初九日 写菊师字竟。偕叔英往天池处，仲厚同行。晚间观佛事，珠幢宝幢之间，时有粉白黛绿者往来其际。二更后就寝。与沈晋台略谈。

初十日 起，同叔英、仲厚观沈氏葬事，旋返。写季亮字。石师来谈。晚间家中招田舍汉饮，为他人事也。石师黄昏后去。微雨。

十一日 蚤，烟锄招饮。叔英、仲厚来。起，早饭后同往烟宅道喜。徐蔼卿、馥畴同席，与馥畴略谈，午后返。文田来。父亲感冒风寒，卧。

十二日 蚤，父仍卧疾，子谦来诊。仲厚来。瞿表弟来。写沈少卿楹联。读《三国志》。

十三日 录旧稿。作题菊师《晚节图》诗。写翔林信。

十四日 “晚节图”脱稿。诣石师谈。遇晓芙，见面只三数语遂作别。馥畴来。同枚生、烟锄略谈。偕馥畴往海问菊师疾，缴字件。至海，同少田、仲瑜谈。晚饭后见菊师。返宿书院，四更就寝。

十五日 蚤，馥畴唤起，为伊致函朱培生金陵。接小搢十一月信。取王子师联。菊师处饭。午刻返东。

十六日 写徐某联、绍康屏。子谦来。接宋琪、徐沛之信。删旧诗稿。看《炳灵集》。

十七日 雨。修葺草堂。灯下读《三国志》。索逋客日满座上，顾穷极胆大，转不以为忧矣。

十八日 阴。修葺草堂。写与泽和信。烟锄、仲厚、子谦来。晚饭后，与烟锄鬯谈。写俞步青春帖子。

十九日 读《三国志》。子谦来。馥畴来。烟锄、仲厚来。谈次，烟锄、馥畴旗鼓相当，几至不能相容，谗浪之不可过也如是。观此，又不啻诵金人

之铭矣。梓卿来略谈。槃右读《三国志》。

二十日 读《三国志》。写汪瑞卿国祥折扇、名片。看颜鲁公《告身》。枚生来，叔英、峨门来谈。修葺草堂竣。槃右读《三国志》。改旧诗稿。彦升馈梅饼。

二十一日 蚤往海，为索逋客也。薄暮返。槃右读《三国志》。是时百孔千疮，罗掘殆尽，而未闻有过而为计者，益令我慨然于管鲍交矣！

二十二日 读《三国志》。畏寒，卧。仲厚、叔英来，不能起见。黄昏后汗。闻伯厚已抵汴。

二十三日 雨。起无事，为石师作题菊师《晚节图》。晚间祀灶。

二十四日 《晚节图》诗脱稿。叔英来，谈次，云秋榜后有言：如树人幸落第耳，设早得志，非福也。询其人，叔英不答。噫！非知我者能为是语哉！生平落落，常以不得闻过为恨，不图二三知交外，复得若人。不益使我闻而知警乎！中心藏之，何日忘之。仲厚来索债。欲往烟锄宅，不果。槃右写晋师信，稿成。

二十五日 蚤起，写馥畴信、菊师信、彦升信。仲厚来。枚生、晓沧来索书，蔡竹塘索书。午后，杨广荫来索书。笔墨之忙，竟日无暇晷。槃右写海师信，稿成。

二十六日 蚤起，写懋叔信，李砚师、穆如信。倩张大去通。眷海师、晋师信。为梓卿撰联语。沈雪香来。叔英来，同往烟锄宅谈。叔英宿草堂。是夕蒸午餐。

二十七日 整旧画。写馥畴信。再索朱小初腊梅。叔英来，假靴。换桃符，祭祖。织云、馥畴来信。托金华带去海师、晋师信。

二十八日 烟锄作竟日谈。晓芙函来索书，转浼烟锄写。祭神。梓卿来。接海师、少轩、砚师信及遗卷。

二十九日 晓棣来，略谈即去。少牧、子翀来。浼晋师书联来。接彦升信。槃右读《三国志》。蚤歇。作《村居即事诗》，未竟。

三十日 牙痛。枚生来。痛不能饮食。晓棣来，未逾刻而去。子文来。竟晚而牙痛未已，苦境也，不能作事。除夕句未竟。

同治十三年(1874)

甲戌一月

元日 蚤起，家中行贺节礼。仲厚来，梓卿来，同往烟锄、石师宅，返至仲厚宅。蚤息。灯前雅三世叔来，论《玉虹鉴帖》及《永徽碑》。

端二日 诣海。送晋师卸委赴省。谒菊师、子师。薪甫处略坐。菊师留饭，薄暮返。接旧同砚徐某信。忆曩时客西亭，与其兄沛之从紫师游，最契好，而乃弟固垂髫总角也，今则文字均楚楚可观，惜弃儒而贾矣。意别两载耳，竟迥非昔境，城郭人民之慨，岂欺余哉！为之欣感累日。

端三日 微雨。拜节者鱼贯而至。少谷来，子谦来，饭后去。檠右读《三国志》。看“绳正堂”。

端四日 仍雨。读《蜀志》终。少牧来，未坐而去。午后梓卿来略谈。拟往叔英处，不果。早歇。

端五日 约枚生往叔英处，未来。之梓庭师、月溪、墨林、朱湘泉宅贺节。叔英置酒。晚作樗蒲之戏，宿叔英斋，夜深就寝。

初六日 蚤，偕叔英往莅君宅饭。茶话片晌，同枚生、墨林、叔英、莅君之湘泉家略坐。墨林留饮，午后返。翼孙来，知晋师将聘余为记室。约仲厚未来。

初七日 蚤，仲厚来。邀秦氏、徐氏昆季及叔英夜饮。子翀、少牧、叔英搗战甚鬯，就中枚生尤豪放，灯红酒绿，惜无银筝催兴者。

初八日 石师邀翼孙饮，同往。叔英、子翀、烟锄同席。晚间，烟锄招饮，仍早间饮侣数人，而子翀、枚生酒兵词敌，愈战愈酣。更馀，同翼孙、叔英步月返。

初九日 馥畴招同叶笙往，因风大不果。烟锄、藹卿、虞卿来。午后子翀车来招往，偕烟锄、枚生、叶笙往，晚间留饮。宿子翀宅。

初十日 蚤，往虞卿处答拜，香谷先生处送行。饭后馥畴车至虞卿处，陪同叶笙往。晚间樽酒酣谈，夜深就寝。

十一日 偕馥畴、叶笙再至虞卿处赴饮。鲁台招夜饮，未赴。同烟锄返，至馥畴处宿。

docsriver 文川网
入驻商家 古籍书城

在文川网搜索古籍书城 获取更多电子书

十二日 馥畴以侄女许颍川氏，倩为写礼书。午后彦升来，峰山来，复饮。烛下聚谭甚鬯。

十三日 以骰子作戏。雨，闷甚。烟锄蚤起，不别而返。晚莫墀招饮。数日中既醉且饱，酒囊饭库，几充牣无馀地矣。夜间齿痛大作，寝不成寐。天黎明，披衣起，绕屋号呶，至次日辰刻略瘥。

十四日 饭后彦升、馥畴往麒麟镇，余同叶笙返，路经晓芙、烟萝宅，过候未值，由春泉宅至家，而烟萝、峨门、枚生、莅君均在焉。黄昏，彦升来。

元宵 约烟锄来谈。茶余，雅三世丈来，倩为彦升作书，并见赠临过庭《书谱》横卷，为彦升攫去。晚间留雅丈饮，灯后纵谭，至漏三下方寝。

十六日 为彦升写“奥籀”二字。叶笙去。彦升去。石师来。接啸谷叔之封翁族叔祖讷。仲厚来。

十七日 作挽轴字。接菊师信。三叔来。槩右读《吴志》。

十八日 雨。写馥畴、晓棣信。整赴三姓行装，不果行。

十九日 微晴。至啸谷族叔处，道由镇场，雨。晚间晤成翼然、徐一田，略谈。就寝于知止斋之西阁，纸窗片碎，冷风飒然，蒙被而卧。

二十日 蚤起独坐，无可与言者。饭后王一山先生及铭勋、范肯堂来。灯下纵谈，座中惟铿堂最健于词辨，然失者亦不少。漏四下，与肯堂联床话雨。

二十一日 雨不止。晏起。顷之有成子完及某某来，皆偃蹇有学究气，惟肯堂时复抗手谈论。晚间啸叔置酒定堂奠礼折，是夕演礼。因雨不克行，与肯堂抵足睡，至四鼓方寐。

二十二日 蚤起，行奠礼毕。宾从纷纷，几无隙地。午后束装至西亭。先至紫师处略坐，沛之延往，晚膳后宿徐氏。问向时旧友及意中数人，有不觉怆然欲绝者。

二十三日 起，沛之属写数字件。李子衡同砚来。正传世丈置酒，并招周蓉初、宋树亭丈同饮。午后偕至紫师处晚饭。累日醉饱，肝膈俱膩，是夕啜粥糜，如东坡于半夜食冰壶先生，神志顿爽。子衡同宿沛之处。

二十四日 紫师招同漱石丈饮。至各友处拜候。饭后至通，沛之送行，抵暮至城。提灯访穆如，不值。

二十五日 起，谒梁筱师、王子师，并候穆如、肯堂、王时师、一山世丈、

宋师母。于肯堂处饭，菜羹豆豉，大有山林风味。噫！世人相待，不过酒食征逐耳，乃一见即如是相待，厚矣哉！晚于三叔谈，肯堂订游山之约。

二十六日 日丈余起，方早餐，而肯堂来践约。铭勋继来，略坐。携数百青铜，偕肯堂步至南营，雇马两骑，出市南缓辔行，望五峰翠秀扑眉宇。与肯堂有时叠骑清谭，有时着鞭争胜。至山下，步至川至庵小憩。推窗见大江接天，征帆似鹜，忽隐忽现。僧三省煮茶以待，出桔枣糕饼疗饥。见彭宫保、陈铁床诗字。继至准提庵。庵僧芥舟，都人士啧啧称能诗，访之，则方拥帚扫地，窃许为雅。坐次，索其著作，乃以和彭宫保四律见视。读未竟，而气味齷齪，令人欲呕。东坡谓语带烟霞，味含蔬笋，若僧其犹愧焉。茶盞未寒即行。至支云塔，小沙弥初不为礼，及见风帽，细审而告伊师，遂得至雪峰僧处略坐。旋下山，策马至黄泥。丛竹垂岩，枯藤络石，殿宇只数楹，而泉流涓细，短树婆娑，大非狼峰之绚烂矣。山僧映中朴甚，于新绿轩进茶，满引三数瓯乃行。而马后山光，与野照炊烟相映成画，行里许，犹令人回首不置。昔人沉痾烟霞，正不知何修得此。肯堂先是因所骑甚弩，与余易之而行，诿意骅骝得路，奔轶绝尘，肯堂据鞍大号，呼道旁樵牧儿为之收取，竟无一敢应者。而余所骑虽霜蹄超逸，犹复闲闲然，按辔遥瞻已，肯堂已望尘不及。至曹公庙，则肯堂已下马，而喘未定也。相与引马牧草水边，缓缓步行，马夫来，乃执鞭从事。抵南郭，市人相视不止，盖以为书生而作武夫态耳。留肯堂晚饭，绂斋来，偕入城。至肯堂家谈旧事，慷慨激昂，几于泪下，二鼓返。是日也游甚鬯，尤好者马夫解事，余来去必绕山行，不以为苦。世有挖青纒紫，遇山水间犹铮铮作威福者，以彼视此，不诚逊哉！马夫为谁？城南黄姓。

二十七日 至西门问去省便舟，返至璞师母处饭。至松崖丈处略谈。觅肯堂不值，与荫棠丈琐话。晚饭后肯堂归，更为促膝之谈。二鼓至城南，檠右写小晋、少轩信。

二十八日 未起，岳某来邀为茶话，使招肯堂，则犹高卧也。返至谢某处，订赴省之伴。至璞师母处，共说家况。饭后将束装归，以日向暮不果，倩龚纪送信至王时师、肯堂处。无聊，与朱砚工述往事。写沛之信。招肯堂来，挑灯夜话。闻肯堂夫人喜学书，以笺纸二桺浼肯堂献之镜台，以为临池之助。二鼓就寝。

二十九日 返。路由双桥，腹中馁甚，而囊中仅余青蚨数十，啖馒首四枚行，未晚抵家。与堂上说十日客途之事。

仲春月

一日 理行篋、书帙、衣服。菊师由下沙来，殷殷问行期，并命至海，为数日之叙。坐一时许，父亲命家中具饭已备，菊师再三辞，仅啜茗数盏而去。饭后录《焚余诗稿》。

初二日 写叶庭托书扇面。子文来。写晓弟信。录诗稿。父亲诣馥畴，三兄诣子谦。雨。父亲返，谈家事。槩右改少时稿。

初三日 录稿。候馥畴偕往海门。饭后陈铁珊、秦某及馥畴来，同行至海。见菊师、少田世叔，略谈。至院，听纯夫弹琵琶。

初四日 五更起，观丁祭。觅少牧，知伊信招父亲，为桥事也。与少田略谈。父亲来菊师处饭。黄昏前，父诣龚裕源心如处。招少牧至学署与父谈。槩下写字。至院，接彦升赠言，谆谆以“谨身、慎言”为戒，相爱之忱，于此益见矣。

初五日 雨。父宿心如处，不能来署。晚与少田丈、仲瑜、若愚、馥畴、翼孙闲话。返与菊师谈至三更后乃寝。

初六日 微晴。父亲欲偕返，为菊师固留，不克行。馥畴赠祖饯之赆，再三以“不失本色、无染世途习气”为戒。坐次意深言挚，不觉泪下！作答谢彦升诗，留少田丈处。父先返。是夕雨。菊师与谈，谓勉勉前程，以为出头之路，可以救贫；否则作几句散体诗，习几句应酬话，终不足以报亲师之恩、副戚友之望也。闻之悚然！为厚庵世丈改窜《举薛义夫（玉和）稟》。

初七日 雨不止。家中车来，仅推杉板而去。写致敬轩信、谢某信。遇子翀谈。菊师处饭。索少牧信，馥畴、少田去柳星卿家。晚至院，与若愚、厚庵丈闲话。灯下看袁莲辉制义。

初八日 蚤起，雨稍止，束装返。辞菊师，不言而神伤。行十数武，菊师招回，以茶食二件赐余，殷殷谓：“孙观察爱才者，至彼无懈功而习世故。子年老，有厚望于子，勿忘斯言。”余泪不敢落，恐伤菊师意也。是时雨濛濛如飞沙，行已半里，菊师犹遥遥目注。噫！知己之感，江深岳重，茫茫身世，顾

安得报恩于万一哉？零涕潺然，心焉如醉。抵家，见堂上，略述景况，实觉万难，寸私倍不安矣。

初九日 父亲去港。写菊师“行乐”、天池对。寄招叔英信、织云信、晓芙信，皆灯下成。雨。与倍哥谈家事。成留别晓棣诗二首。

初十日 辰刻晴。父未返。招叔英来。作《思故乡行》，未脱稿。申刻父自港返。往戴德书处道喜，撰联送伊：“杏艳初花，梅圆旧梦；榴征多子，杨卜生稔。”夜至德书处饮，同席皆徽人。更初返。

十一日 整装赴通。抵暮至三叔处，询知三叔已因扫墓去西。晚觅谢某不值，蚤息。是蚤织云、叔英、培兄送三里许，彼此怆然而别。

十二日 初晴，暖甚。以菊师“行乐”重裱。邀钱季良同至四聚斋，复同至香锦园茶话。闻是日有痘神会。去西门外晤谢某，定于十五日偕行。至痘神庙，则巾香散风，汗粉滴雨，士女鳞集，余略一顾视即返。成《思故乡行》三首。晚觅穆如闲话。张纪去蕩卿处回。

十三日 遣张纪去西亭，陈纪去常。改录诗稿数十首。晚至璞师母处谈。招肯堂于珮廷处夜饭。三更寝于宋宅。

十四日 辰刻起，肯堂来。蚤餐后至南门祭祖毕，访孙芝亭，从肯堂请也。至则见于孙家亭上。通人目孙为大痴，坐次词锋风发，肯堂、芝亭互相争讼，余为持平之。留孙处饭，别不一言谢，芝亭喜甚，月下送余与肯堂至东门乃返。觅谢某不值，以事托吴某。时已二更余，严城扃闭，敲璞师母门宿。为铁心改时艺。漏三四下，秉烛独坐，月色溶溶，浸廊如水，延至四鼓寝。

十五日 天黎明起，急于赴西扫墓，璞师母处犹睡声比比也。留片纸，不告而行，盖恐告则不能即行，启门反扃。至南门，驾车至西亭。饭后至紫师处。为又亭、镜湖写扇。招沛之来谈。宋紫师赠七言一律命和，即坐奉酬。沛之招同子衡夜饭。复至紫师处，与师母谈。至步青叔处就寝。日间与李某述往事，寸私惻然，三鼓乃成寐。

十六日 蚤起，扫墓毕，即至金沙扫墓。午后由金返。瞿亲恐御夫迷途，送十余里乃返。至观音山，日落，晚烟自白，横树遮愁，大月亦红，排云照影，真夜游美景也。更初抵城，即觅谢某，知子师已回，定十七日上船之约。是日小亭、幹卿来访，不值。

十七日 谒子师。殷殷垂问，谓“初不知子窘若此，蚤知，当在通为子觅一津贴之资”，出门以不失本色为戒。本于即晚启行，为子师招夜饮，不果。至肯堂家饭。取菊师小照。至璞师母谈。为友作书。肯堂去。至子师处赴约，坐中为坤生世兄（植厚）、黄厚莽诸人。饭后子师问盘资足否，余言已足成行，略谈。至璞师母处。为织云写卷子二页。三更始寝。

十八日 蚤，至城南觅所雇去省之船，未遇。返理装，寻谢某。复至璞师母处话别，为伊家事往觅松崖丈。致函穆如。送行李上船。报璞师母之托，遂留饭。濒行，殷殷嘱小心行役。赠佛饼二、茶食二，坚辞不获。忆童时最为师母钟爱，犹记寒夜酣眠，至晓而布衾内气温温，盖睡熟时师母以汤婆子暖足耳。每念慈垂，心神俱往。今师母家况如洗，犹为远游人谋及征囊，感念之忱，何时可已！午后别师母行。珮廷送之南门返。嘱龚纪返。解维去里，挂席凌风，一草一木，皆令我依依也。同舟二青衣，无可谈。看《曝书亭集》。至三十里宿。

十九日 清明。舟中酣睡，自三十里至白蒲，晓梦乃醒，舟中如安石江左，凡事尚谨谨节制，虽颖奴未必爱才而遽使，不妨与坐；若华亭，则语言无味，面目可憎，不是势豪权，竟如齷齪吏。终日写字看书而已。午后略睡，至如皋东门登岸。访少轩，把袂谈心，款诚逾常。招子颖未来。子珊、芸谷皆未晤。晚饭后略坐。道由恒泰购履。少轩送至北门，时城已扃，呼门出，少轩殷殷嘱珍重。斜月初上，离情未央，抵舟而二青衣只有一在，想已入烟花乡矣。灯下仍看书。

二十日 乌衣子弟，去如黄鹤。登岸剃发。蚤点后拟再访子颖，不果。午刻挂帆至海安镇，候韩虞臣，复同朗轩至崔处略坐，见徐某、季某。朗轩处晚饭。抵舟，朗轩固留为次日小叙，且索书者纷纷蝟集。檠右看《曝书亭》。录诗稿。

二十一日 蚤起，为朗斋强邀去。崔鹤洲招至涌盛茶叙。为李春溪、孙伯安、徐瑞夫、季远亭及某某写楹联，为某某写折扇各数事。虞臣丈处饭毕至舟，两青衣已登岸午铺矣。越刻开舟，至大白米镇宿。墨云半天，微露星点，立船头眺望时许乃寝。

二十二日 晏起。行抵海陵，日西向。录诗稿。看《廿四家文稿》。至白塔河宿。听河南说兵乱事，时已二更，就寝。

二十三日 卯刻开，至仙女镇，登岸觅食馆。饭后驾一辆车，由董家沟桥、西洋沟桥、万福桥，日炙风熏，沙深路凸，口耳鼻舌皆尘垢矣。至小东门茶肆小憩。渡进东关，问甘泉学署，候香谷老伯。坐时许，借衣冠，谒张篷帆刺史。晚香丈留饮，同席者为陈东皋履泰，张芝舫坐舟未来。宿香丈处。观芝舫《爨龙颜碑》、石如墨迹。夜三鼓寝。

二十四日 偕少谷出钞关，觅坐舟未来，天贵楼茶憩。过江山色，青扑檐际，略坐。进城，道由吕祖庙返署。饭后同香丈、少谷至天宁寺，巍巍大佛，中殿高至五六丈外。无告之民，比比皆是，当事者乃以金钱布地，供无发游民优游偃息，痛哉！至平山，谒史阁部墓，登梅花岭，复行由北门返抵署。再至问沂澡雪汗垢。是日仍宿香丈处。

二十五日 甫起而舟人来。至教场，茶后去城外上船行。途中有《书所见》四绝。顺风扬帆，抵泗源沟宿。梳辮。步至江口略望，回舟，两三鼓寝。

二十六日 晨，日初起开行，风便帆驰，舟子操把不善，屡行屡蹶。道由东沟，谒屠晋师，片刻即挂席。至黄天荡，风甚劲，波浪轰然而舵柄中折，舟如旋蓬。方惶遽，来草舟附之而渡，得免事。抵燕子矶南登岸，步七八里，落日暝黑，径路崎岖，乱山中村农逐野豚声遥遥相应。摸索暗径，复上船。成《谒史阁部墓》七律一首。至草鞋峡宿。

二十七日 蚤行，抵下关登岸。雇代步进仪凤门，至玉和茶渴小憩。剃发后，访方久徵于坊口街，旋偕谢某至剪子巷谒海师，见孙次明、鸿逵、陈丈及晓春诸人，叙谈颇邈。檠右看《竹垞集》。海师看《焚余稿》云：诗勿多作，当为自家养才。教诲拳切，安忍不从。宿海师榻，三更寝。

二十八日 起，写投考印结。海师命作陈虎臣母百岁祝联。饭后送家报至驴子寺森昌局。至葛家略坐，返。购《钟山课艺》。檠右理旧钞文。海师来谈艺。写馥、彦两人信，宋师母、穆如信。

二十九日 读文十五篇。海师命写致倪太守信。写字。至辮子巷候朱培生。葛启夫来。作试帖一首，檠右眷（《燕乃睇来》）。理钞文。

三月

一日 起，读文十篇。写伯厚信，加封通海信。写字。看时艺律赋。更

初海师来谈。蚤睡。次明索诗稿去。

初二日 五更起。偕陈丈课钟山书院，是日为方伯梅课。遇潘幹贞（良材）、李子薪（筠），皆皖怀人。题：“君子创业垂统”二句，诗：《陈言务去》（得“陈”字）。作二卷，二更出。晚饭后录稿半。

初三日 录稿全。为海师写致王观察、沈都转、顾、徐、蒋五人信。饭时遇吴小轩（长庆）军门，吐属尚风雅。晚次明还诗稿，并持伊稿来，有咏伊红豆一绝。檠右与海师、陈丈、次明纵谈。是日久徵来。

初四日 读文。写字。写家报及晓芙信。钞文。为小晋看字。成赠次明诗四绝。檠右读韩昌黎文。小晋来谈。

初五日 作如皋甄别课题“事君敬其事”三章，旁晚脱稿。与海师、陈丈谈时事，为之悲愤交集，几欲排闾阖而叩之。檠右写彦升信、香谷丈信。

初六日 理文。续钞心斋文。方久徵来。得看桐城孙麻山集。写字。与陈紫垣谈。海师来谈，谓为人必从有据做起乃成。此见道语也，敢不服膺。二更乃去。小晋来，略谈。

初七日 读文。启夫来。陈丈、小晋来谈。临河南《枯树赋》。写卷子。录诗稿。晚饭后与海师谈。次明来，坐片时乃去。读文。

初八日 读文五篇。小晋课题《夫子之文章》，陈丈拉余作一艺。偕陈丈访潘幹贞党家巷，略坐。至文来茶话，返与谈昔事。作一讲。海师命购书，返。晚饭后与海师闲谈。檠右稿成。

初九日 蚤起，录两艺稿。读文四篇。小晋、小桐、鸿逵来。写字。鸿逵以诗来质。做试帖一首：《春来遍是桃花水》，黄昏脱稿。读文。

初十日 读文廿遍。看《易知录》。接雅峰沪上收信。写字，临《十三行》。钞文未竟。为海师复方存之桥梓信。次明以诗来。晚小晋、小桐来。读文五遍。看墨卷。录杂稿。

十一日 读文四遍。看《思绮堂集》。钞文竟。檠右为小晋拟挽岳母联。看文。海师来谈，久乃去。

十二日 晏起。陈丈约游雨花台，至第二泉室茶话，小桐偕往，返已午后。书院案发被斥。自顾文字，何至于百人中不能得一名？肄业前，海师本欲为扬于韩某之前，余为干请事虽小，不欲以气节换虚名，乃与侔为伍犹不

能也。噫！不以为怯者谁哉？槃右看文略一过。作上韩某启。

十三日 上韩某启成，写好。陈丈来略谈。看文数过。写方俊民信，代海师也。为敬斋写扇。剃发。次明来。海师、陈丈来谈。晚饭后看《思绮堂文》。蚤睡。

十四日 读文五篇。小桐来，邀往购笔。上韩某启。返至陈紫垣处品茶，观所藏砚。陈蔚斋来，偕返。谒陈子舫太守，谈许时，彼乃省中一抑塞者，然颇不俗，托为于小湖先生前先容。返看《思绮堂》。有致陈丈启。海师来，晚饭后谈史。槃右读文。

十五日 蚤读文二十篇。为小晋写挽联。启夫来。抄文。小桐、鸿逵来。晚顾仆托荐事。与陈丈至下江考棚、文德桥闲步踱月。返为海师写江月楼信。读文。

十六日 钟山书院课，作陈敏事卷题：“孩提之童”四句；诗：《浇书摊饭苏》。次明来。久徵来。晚大雨。稿成。客村如杜少陵茅屋，床蓐皆湿，强瞑至晓。大雷电。

十七日 誊卷完。为晓春写扇。读文念遍。潘幹贞来。看史。写屠晋师信。海师置酒，招陈蔚斋、方、马、孔诸人，倩就黄裳之坐。与陈丈为沂水乐。槃右录课艺呈海师。读文。

十八日 起，海师来，嘱作课题：《居是邦也》二艺；诗：《一水护田将绿绕》（得“田”字）。未竟。方久徵、李春轩、周吉甫来，谈次，潘幹贞、李子薪来。约偕陈丈至钟山书院，旋至桃叶渡唤渡茶园闲坐，未刻由贡院前返。续稿成。次明来。录稿呈海师。次明借《思绮堂集》二本去。槃右诗成。

十九日 为海师写荐次明信，与孙雅林也。是日换季。读文。小桐以字来批。小晋来，闲谈良久。陈丈来。写字。录信稿。晚饭后与海师、陈丈谈黄河水患及海外事。看史。次明来。海师来谈。小桐、鸿逵以诗来。

二十日 读文。誊文。写字。与陈丈往紫垣处茶叙。返与海师谈，命留心经学，以戴榕洲《书传补商》赐观。接十一日家信。

二十一日 作上小湖先生书，至晚稿脱。为小桐改诗及小晋看字。槃右誊上小湖先生书，未竟。

二十二日 蚤，誊竟。报考惜阴小课。海师欲为黄山之游。久徵来。

由陈子舫太守上书。看六朝、唐赋。李春轩嘱代考四月朔课吏治应二卷。次明来询荐事。购《简斋四六》。槩右读文。

二十三日 偕陈丈考惜阴书院小课：《刘梦得赋金陵怀古诗》、《探骊得珠赋》（以“探骊得珠客皆罢唱”为韵）、《汉唐宋明党人合论》及散体若干首。黄昏出。晚饭后蚤息。

二十四日 录赋稿。誊文一篇。看文。看史。晚读韩文。

二十五日 读文。海师邀陈鉴堂司马饮，为余看八字。同陈丈去钟山书院看案，余名列第一，何前之不幸而此之幸也？写文稿，写家信，未就。晚作《迎夏南郊》诗一首。改小桐诗一首。读文数过。

二十六日 读文。写家信，馥、彦信。潘幹贞偕西蜀郑密轩来候，坐片晌去。誊文。改鸿逵诗。为紫垣写信与陈别驾鉴堂。晚饭后与陈丈小步里许返。槩右录杂稿。看史。读文十篇。

二十七日 看文。答候郑密轩。送家信去驴子市。为海师复李麟生大使、潘藜阁刺史、张鉴亭信。启夫来。与鸿逵散步。是日闻小湖先生于子舫太守前极赏所上书。槩右读文。购夹褂。

二十八日 拟会场文题：《君子坦荡荡》；诗：《无逸图》（得“图”字）。槩右誊竟。

二十九日 雨。海师点定拟课文。看史。写大卷。槩右读文三四篇。

三十日 读文。饭后偕陈丈、小晋等至淮清桥看赛会。写字一开。澡身。看史。读文。海师来谈。二更后寝。是日写张抚卫宪贺禀，为海师也。

四月

一日 谒见李小湖先生，见后深以前课暗中摸索为喜。谈通海事良久，留呈近作时艺数篇。惜阴投考亦列第一，小湖先生所述也。返读文。蚤息。

二日 钟山课，仍用本名投考。题：“御者且羞与射者比”二句；诗：《知白守墨》（得“知”字）。更初卷成。薛慰农山长招往，且已逢人延问矣。顾虚名囚实，忧之深也，敢不惕惕。海师有荐往江苏张中丞幕之说，感念曷有极。晚饭，陈丈谓：“才须晦以养之，谦以益之，否则恐招忌招损。”至言哉！

三日 为海师写贺沅浦中丞禀，未脱稿。谒薛山长，至清凉山，见后逾

格契赏，片时乃行，并嘱写白折送往。返，贺稟成。次明来，更余去。

四日 起，写贺英中丞稟，未成。方都转稟稿成，眷竟。陈虎臣、淞渔昆仲，洪琴西，杨仲乾诸老辈招往，因而谒见虎先生，留饮。启夫来。次明来。为海师与朱信成。檠右海师来谈。

五日 为薛慰农山长写白折一本送去。李小湖先生来，略谈而去。海师招潘子贞、李子薪饮。杨卓荦太守来，同席饮，次明与俱。灯下海师嘱起上彭味之督学书稿。

六日 上彭督学书成。诣钟山书院谢步。移寓内院。上韩叔起书事彰著，余固坦然，独苦海师耳。接家报、宋养田诗信。次明来。吴芸士瞻莪来。上彭稿成。

七日 眷彭学使书，申刻毕。洪琴西观察来略谈。次明来。复改上彭书。海师来常谈。写少轩、肯堂信。

八日 蚤起，书成。写稟英中丞稿。韩叔起由海师赠所作一本，略一观，似有意摹杜者。读书，纪事。

九日 看《晋书》。薛慰农山长来，略坐去。旋谒韩叔起。答拜洪琴西观察，久谈，谓须“耐烦读书，耐苦处境”。相论河务，礼意优渥，许借诸书。返，作秧马试帖二首。看《晋书》。次明来。次凤大有刘四之气，姑听之耳，然亦足长予以惕厉思矣。海师来谈。

十日 读文。写百字。看《晋书·宣景帝传》。陪海师访伴霞和尚，问相，戒余三十六岁若或得志，慎之慎之，勿懈也。余心诺之。议海师湾头事，时在水，与重耳辈各立一见，甚难立论也。看书。读文。海师来，久谈。

十一日 读文。为海师写稟张中丞信。起稟英中丞稿。见小湖先生，久谈。看杨仲乾先生上曾帅书。

十二日 读文。海师嘱偕陈丈、小晋昆季访杨仲翁，遇诸途，返谈理学，历三时以外。接穆如信。檠右略读文。是日与杨先生谈，心地甚清。檠右为海师写扇。

十三日 起，作文一篇，题：“富贵不能淫”三句，向晚成。檠右读文。

十四日 读文。接少谷信。写范少谷、穆如、培哥、宋养田信。看《晋书·景武帝记》。檠右读文。

十五日 海师命偕陈丈访杨仲乾先生，旋偕登北极阁，天风振衣，飘然有凌云之想。小憩，由鸡鸣埭下，返乘舟趁晚过秦淮，则两岸碧帘，中有彼姝不呼即出，衣香人影，与粼粼水波相溶漾也。抵寓斋，日向暮矣。是夕受风，头微眩，蚤卧。遣俞福送家报。

十六日 晏起，作钟山小课，题：《自诚明谓之性》；诗：《国之云雨人》（得“人”字），日晚成，繁右眷竟。

十七日 诣钟山，询诗题解，卷成。海师嘱为孔静山、陈子瑞、方久徵、小桐昆季写折扇。看《晋书》四卷终。写与王子师信，稿成。

十八日 起，眷子师禀成。为海师写方俊民琴条四幅。作塾课文，题：《古之人未尝不欲仕也》，至晚脱稿。为海师写荐次明信，累日未读文，荒甚。

十九日 读文五六遍，大觉功夫之不进，返而三思，汗流浹背，而又有彼懵者，人为秦楚，随处遭扶风之忌，伊谁为工部之怜？然三自反而知咎由己取。诣方久徵，同至玉和谈，百感交集。返赠次明诗扇。定功课单。

二十日 读文如课。再为次明写扇。录稿呈菊师。钞文一。看《晋书》。晚饭后偕陈丈访次明，不值返。为紫垣作针引事。晤次明话别，深以“自爱”二字为之戒。独念与次明本马牛其风，乃既见止，而萍水因缘，无端开合，青山江上，谁更与谈，失意者怅触至再。读文七八遍。

二十一日 送陈子瑞返皖。写与翼孙信，馥畴、彦升信。录稿。发海门信，内夹培哥、敬轩信。读文。

二十二日 读文、写字。钞文。订骈文稿。

二十三日 惜阴课题：《顾瞻玉堂如在天上赋》；《读〈通鉴〉于智伯论才德于樊英论名实书后》；《和欧阳永叔日本刀歌》。更初返。

二十四日 录论书后及刀歌稿。雨。拟谒李小湖先生，未行而来，小坐去，及往，未及见。往惜阴见薛山长，一路大雨，肩舆内濛濛，湿欲遍。略坐返。见馈《味经得隽斋赋》，为薛淮生先生所著。晚仍大雨。看《晋书》。蚤歇。

二十五日 读文如课单。写白折一开。录旧稿一。接初八日家报及仲厚、晓芙信，随写复信四函。

二十六日 读文。倩俞价送信。读《江子笙赋稿》。录近作一。看《晋

书》，读文。

二十七日 读文。写白折。钞文未卒业。看《晋书》。写彦升信。

二十八日 作文，题：“道二”两句；诗：《腐草为萤》（得“为”字）。是日酷热，稿成而未誊，且文兴蹇滞，扇无风，心有茅也。

二十九日 蚤起，誊文竟。写璞师母信。写字。看书。仍苦热。接彦、馥信。

仲夏

一日 课如定单。临登善帖。写字。钞文。蚤息。

二日 蚤起，考钟山朔课，题：“子之武城”三句；诗：《莲出渌波》（得“波”字）。向晚成。

三日 读文。诣朱培生，为馥畴事也。写复馥、彦信。钞文。

四日 读文。接少田、涓璜信，菊师、培兄信。钞文，为海师写致李小峰、唐云阶信，稿成。

女儿节 回忆去岁侍养时，一堂欢聚，乃昔也菽水，今也风尘，瞻望故乡，如在天上，怅触久之。与小晋诣程子完茶话。返，贺节。饭后与久徵、小晋至贵池会馆，晤陈蔚斋、吴宝斋诸人。士女错杂，举国若狂，对岸帘波动影，人艳于花，画桨流香，水浓若酒。顷之，山雨骤至，游人如浴浪之鳞，冶女如避风之燕，鞋声麋乱，舟子鸥蹲。须臾豁霁，复访王敦甫于御河坊。水榭生凉，望彼舟中，玉麈映腕者，则某大夫之子，某理学之子也；珠钿贴额者，则某宦之姬，某家之女也；而有蓬头乱服，汗污熏杂者，则市井之某甲、某乙也。然亦抛砖掷瓦，打鸭惊鸳，自鸣得意，而吾辈则不能无深感焉。再至久徵处晚饭。回途中，雨过泥泞，摸索而行，抵寓更初。为海师写复冯弁云大令信。

六日 写复周小溪太守信，为海师也。子完将往六合，来。雨如注。写复馥畴、彦升、培兄信。

七日 读文。临褚河南《圣教》一开。钞文。誊近作。遣王价送信，从门碓万源米铺。与海师闲话。

八日 誊稿成。诣薛山长，极承激赏，并见世兄怡澍、葆楹，翩翩美少年也。坐许时，道经四松庵小憩。朱栏映水，碧瓦临山，中为文正公祠。茶过，